



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 4. De Lingonibus.

urn:nbn:de:hbz:466:1-13120

NVM. 3. De Boiis.

NOMEN & ORIGO. Boiorum in Galliâ Transalpinâ meminit Cæsar, & vulgò creduntur incoluisse *le Bourbonois*: iunctique Lingonibus Tuscos expulerunt post Olymp. 64. an. 3. ut præmonuimus; & hæserunt in Italiâ donec à Romanis expulsi sunt, vel exterminati. De bellis Romanorum cum Boiis sæpe Polybius, & Liuius: vltimum legitur apud Liuum lib. 36. quando à P. Cornelio Nasica vieti sunt, eodem Cornelio & M. Acilio Glabrone Coss. tūmque dimidiâ agri parte multati. Tandem eicti sunt ex Italiâ ut tradunt Polybius & Strabo; sed modum, & tempus non explicant.

FINES. Ab Occidente Taro Fl. separabantur ab Anamanis; Idice Fl. l'Idice à Lingonibus ab Oriente; Apennino à Meridie à Liguribus; à Septentrione denique Pado à Cenomanis, & Venetis.

NVM. 4. De Lingonibus.

NOMEN & ORIGO. Dicti sunt à Lingonibus Gallis quorum vrbs Andomatunum *Langres*. Ita cum Boiis coniuncti sunt, ut vnam gentem conflasse videantur; quare Polybius lib. 2. Boios Senonibus conterminos videtur statuisse; nihilominus saltem sub initium discreti erant.

FINES. Ab Occidente Idice Fl. diuidebantur à Boiis; à Meridie Apennino monte, à Tuscis; ab Oriente Utente Fl. *Montone*; denique à Septentrione Pado Fl. à Venetis.

NVM. 5. De Senonibus.

NOMEN & ORIGO. Straboni Σένοις & Σένωνες dicuntur; Ptolemæo Σένωνες; Polybio Σένωνες; Diodoro Σένωνες. Orti sunt à Senonibus Gallis *ceux de Sens en Bourgogne*, & ab iis dicta Sena Gallica *Senigaglia*, vltimique omnium Gallorum, ut præmonuimus, Alpes transgressi sunt.

LOCVS & REGIO. Vbi autem habitarint primùm, non satis inter scriptores liquet. Liuius enim lib. 5. confeditse ait in eo tractu qui extenditur inter fluos Utentem *Montone*, & Æsim *Esono*. At